

ERINDISBRÉF

Menningarmálanefndar Hornafjarðar

Stjórnskipuleg staða

Menningarmálanefnd Hornafjarðar heyrir beint undir bæjarstjórn Hornafjarðar, Starfsmaður nefndarinnar er forstöðumaður Hornafjarðarsafna.

Skipan, seturéttur á fundum og áheyrnaraðild

Í menningarmálanefnd eiga sæti fimm fulltrúar kosnir af bæjarstjórn að afloknum sveitarstjórnarkosningum skv. ákvæðum *sveitarstjórnarlaga nr. 138/2011*. Bæjarstjórn kýs nefndinni formann og varaformann og hverjum aðalmanni er jafnframt kosinn varamaður. Hafi tveir eða fleiri flokkar eða framboðslistar haft samstarf um kosningu menningarmálanefndar, skal framboð sem tilnefndi viðkomandi aðalman einnig tilnefna varamann hans, nema öðruvísi hafi verið ákveðið í yfirlýsingu skv. 3. og 4. mgr. 21. gr. sveitarstjórnarlaga.

Kjörtímabil menningarmálanefndar er hið sama og bæjarstjórnar. Auk kjörinna fulltrúa eiga bæjarstjóri og forstöðumaður Hornafjarðarsafna rétt til fundarsetu með málfrelsi og tillögurétti. Þá er heimilt að kalla til á fundi menningarmálanefndar sérhvern þann er tengist málum sem fjallað er um hverju sinni. Starfsmönnum stofnana bæjarins er skylt að sitja fundi menningarmálanefndar sé þess óskað.

Hlutverk og verksvið

Meginhlutverk menningarmálanefndar er að móta stefnu í safna og menningarmálum sveitarfélagsins, með það fyrir augum hvað vænlegast er fyrir sveitarfélagið að gera til eflingar menningarlífi. Nefndin gegnir jafnframt hlutverki stjórnar menningarmiðstöðvar Hornafjarðar skv. stofnskrá hennar og hlutverki bókasafnsnefndar skv. ákvæðum laga um almenningssafnasöfn. Þá hefur nefndin umsjón með söfnum Hornafjarðar og starfar samkvæmt safnalögum og reglum um byggðarsöfn.

Meðal verkefna nefndarinnar er:

- ◆ Að vera bæjarstjórn til ráðgjafar og veita umsögn um erindi er tengjast menningar- og safnamálum.
- ◆ Að fylgjast með framkvæmd laga og reglugerða er snerta starfssvið nefndarinnar
- ◆ Að gera tillögur að verkefnum í tengslum við fjárhagsáætlunargerð til bæjarráðs
- ◆ stuðla að fjölbreyttu menningarlífi
- ◆ Að vinna að vinabæjasamstarfi innanlands og utan og samvinnu við nágrannasveitarfélög í ýmsum efnum
- ◆ Að huga að fornleifarannsóknum og vernd gamalla húsa og minja
- ◆ Að veita árlega menningarverðlaun eftir nánari ákvörðun nefndarinnar
- ◆ Að hafa umsjón með opinberum listaverkum og minnisvörðum
- ◆ Að veita styrki til menningarmála í umboði bæjarstjórnar
- ◆ Að stuðla að útgáfustarfsemi
- ◆ Að eiga samstarf við aðrar stofnanir í Nýheimum eftir því sem við á
- ◆ Að halda utan um listvinasjóð
- ◆ Að fjalla um önnur þau mál sem bæjarstjórn felur nefndinni



Starfshættir

Um starfshætti undirnefnda bæjarstjórnar Hornafjarðar er fjallað í VI . kafla í *samþykkt um stjórn og fundarsköp Sveitarfélagsins Hornafjarðar* og skal ákvæðum kaflans fylgt eftir því sem við á.

Nefndin kemur saman á fastákveðnum fundartíma einu sinni í mánuði, formaður stýrir fundi. Skal gerð samþykkt um þennan fundartíma á fyrsta fundi nefndar að fenginni tillögu bæjarstjóra. Boðað skal til aukafunda að ákvörðun formanns eða ef a.m.k. tveir nefndarmanna óska þess. Heimilt er að fella niður fundi að sumarlagi og á öðrum tímum að mati formanns. Nefndin getur auglýst einstaka fundi sína opna, en verður annars að samþykkja viðveru hvers þess, sem ekki á seturétt á fundinum.

Þá getur nefndin staðið fyrir kynningarfundum vegna starfa sinna eða þeirra verkefna sem til umfjöllunar eru, og skulu slíkir fundir öllum opnir.

Starfsmaður nefndarinnar sér um að taka á móti erindum og málum sem leggja á fyrir nefndina. Hann útbýr í samráði við formann rafrænt fundarboð þar sem tilgreindur er fundarstaður og fundartími og dagskrá í tölusettum liðum. Fundarboð skal sent öllum aðalmönnum, varamönnum og öðrum sem seturétt eiga á fundum atvinnu- og menningarmálanefndar.

Starfsmaður kemur undirritaðri fundargerð til starfsmanna stjórnarsýslu sem sjá um að fundargerð sé tekin á dagskrá næsta fundar bæjarráðs sveitarfélagsins.

Ályktanir til bæjarstjórnar og bæjarráðs skulu ætíð sendar bæjarstjóra í sérstöku erindi sem forstöðumaður útbýr.

Nefndarmenn skulu fá hæfilega þóknun úr bæjarsjóði fyrir störf sín samkvæmt nánari ákvörðun bæjarstjórnar.

Eftirfylgni

Menningarmálanefnd og starfsmaður hennar hafa með höndum framkvæmd þeirrar stefnu sem mótuð hefur verið á hverjum tíma varðandi málefni Hornafjarðarsafna. Formaður og aðrir fulltrúar í menningarmálanefnd skulu snúa sér til bæjarstjóra til að fylgja eftir þeim ákvörðunum og samþykktum sem ekki eru alfarið á verksviði menningarmálanefndar að framfylgja.

Réttindi og skyldur nefndarmanna

Um réttindi og skyldur nefndarmanna gilda ákvæði *sveitarstjórnarlaga* og *samþykkt um stjórn og fundarsköp Sveitarfélagsins Hornafjarðar*.

Lög og reglugerðir

Í störfum sínum skal menningarmálanefnd taka mið af þeim lögum og reglugerðum sem snerta starfssvið hennar.

Þá skal nefndin fylgja *samþykkt um stjórn og fundarsköp Sveitarfélagsins Hornafjarðar*.

Samþykkt í bæjarstjórn 9. mars 2015

Björn Ingi Jónsson
Bæjarstjóri